

# BOIKANO BA IFP BA MMUSO WA SELEHAE:

## Boikano ba Tlhomphe

- Ho tshephala boikanong bona
- Ho phethahatsa ditshepisong tseo re di entseng mananeong a matsholo a dikgetho
- Ho se tshela meedi ya mekga ya dipolitiki leha e le ho tshelala mokgeng ofe kapa ofe ka nako ya ho tshela
- Ho lokolloha bobodung le ho bo thibela
- Ho ikgodisa hore ho thewe mmuso o bulehileng, o akaretsang le o dumellang bohle ho ba le lentse
- Ho sebeletsa setjhaba ka tsebo yohle ya rona re sebedisa matlotlo ohle a matsohong a rona
- Ho itshwara – mosebetsing le ka borona – ka mokgwa o sa nyatseheng

## Boikano ba ho Sebetsa

- Ho sebetsa ka ho inehela metseng ya rona le Lekgotleng
- Ho sebeletsa ho phethahatswa ha ditlhoko tsa motse
- Ho sebedisa motheo wa monyako o bulehileng bakeng la ditho tsohle tsa motse
- Ho ba mafolofolo dikopanong tsa Lekgotla le tsa motse
- Ho ba lentse la motse dikopanong tsa Lekgotla
- Ho tlaleha ka nako tsohle motseng ka diketsahalo Lekgotleng le ka ditaba tse ding tse amang maphelo a ditho tsa motse

## Boikano bakeng la ho tlisa Ditshebeletso

- Ho bea tswelopele ka sehlohong tulung e emetsweng le motseng ka kakaretso
- Ho tlisa pholoso dikarolong tsa setjhaba sa habo rona tse kotsing, ho akaretsang le metsofe, batjha le ba amehileng ka Kokwanahloko ya Phamokate
- Ho kgothaletsa pholoso bofutsaneng
- Ho ikgodisa hore ditshebeletso tsa mmuso tsa bohlokwa di a tliswa, jwaleka metsi, motlakase, mebila, dintlwana, le tse ding
- Ho kgothaletsa ho thewa ha mesebetsi
- Ho kgothaletsa hore metse e fihlelle ditshebeletsong tsa mmuso
- Ho thusa hore batho ba fumane ditshitso tsa mmuso, ho akaretsang tsa bana, tsa ba sa itekanelang, ba tsorefetseng le ba bang

**Boikano bo sa phethahatsweng ha bo na thuso ya letho. IFP e inehetse hore baemedi ba yona – ba emetseng dikgetho (candidates) le dikhanselara – ba hlomphe boikano boo e bo etsang. Bakeng lena re ikana:**

- Ho qala lenaneo la ho hlahloba bakeng la ho ikgodisa hore dikhanselara tsa IFP di hlomphe boikano ba tsona
- Ho batlisisa ditlaleho tsohle ka bobodu ba dikhanselara tsa yona tse ngotsweng fatshe tsa tobiswa ho Komiti ya Phethahatso ya Dipolitiki, P.O. Box 4432 Durban 4000 kapa fax. 031 – 307 – 4964
- Ho nka dikgato ka potlako ha e mong wa dikhanselara tsa rona a fumanwa a ena le molato wa bobodu
- Ho thea lenaneo la ho lekola le ho bona kapele ha makgotla a sa sebetse hantle
- Ho tebela dikhanselara tse say eng dikopanong tsa Mokgatlo le tsa motse
- Ho tebela dikhanselara tse sa sebeletseng metse ya bona
- Ho ikgodisa hore boemo ba dikhanselara tsa rona ke bo ka sehlohong



**ENA** ke yona nako ya ho phahama mme o balwe. **ENA** ke yona nako ya ho letsa phala ka botswa ba mmuso, ho hloleha ha mmuso mesebetsing ya ona le bobodu. O se ke wa eba lehlatsipa la lenaneo; le fetole hore le etse seo o se batlang.

**“Etsa kgetho bakeng la bohle: voutela IFP”**

**Vote**

**IFP**



**BOIKANO BA IFP BA**

**MMUSO WA SELEHAE:**

**BA TLHOMPHE,**

**HO SEBETSA LE HO**

**TLISA DITSHEBELETSO.**

**“Ho Fa Batho Matla”**- Ha esale e le tshiya ya tumelo ya IFP hore batho ba tshwanela ho busa maphelo a bona ka ho felletseng mokatong wa selehae le hore ba tshwanetse ho matlafatswa bakeng la ho phethahatsa sena. Ke kahoo mmuso wa selehae, lentswe la bongata ho mmasepala, lentswe la bongata mesebetsing ya mmasepala le mekgahlelong ya mmasepala di le bohlokwa.

Ha esale 1994, bavouti ba ile ba fellwa ke tshepo haholo lenaneong la mmuso oo e reng leha o thusa ba tsebanang le ba itseng ho tsa dipolitiki, ha le a ka la etsa ho lekaneng bakeng la bongata ba batho ba futsanehileng. Ha o eketsa mona ka bobodu bo atang, ho hloleha mesebetsing ya mmuso, ho tshela meedi ya mekga ya dipolitiki, le boradipolitiki ba ipatlelang sa bona feela, mme ho bonolo ho bona hore ke eng batho ba sa bone bohlokwa ba ho vouta.

Empa he, dikgetho tsa mmuso wa selehae ke mokgwa wa ho fetola dintho tsena tsohle. Ho voutela batho ba tshepahalang mmusong wa selehae, ba tsejwang le ba hlomphehang motseng, le ho ikgodisa hore ba ho emela ka mokgwa o tshwanetseng lekgotleng la hao, ho bohlokwa bakeng la ho kgutlisetsa matla matsohong a hao.

**IFP** e ikanne ho sebeletsa dithahasello tsa hao ka boinehelo, ho sebetsa, ho tlisa ditshebeletso le mmuso wa selehae o dumellang bohle ho ba le lentswe. Kahoo he, re tlisa boikano ba rona : ba tlhompho, ho sebetsa le ho tliswa ha ditshebeletso.



Prince Mangosuthu Buthelezi,  
IFP President